

囡囡的主動

今日(9/1/10)是轉職以來難得的一天周六假期！由早上到下午全程享受與囡囡相處的時間。當中兩個片段十分難忘：

1) 起床後我問囡囡去那處玩？他說要去錦綉，我由他決定。囡囡先提議外賣樓下餐廳的早餐，吃他特別喜愛的腸仔茄汁豆，但我不喜歡該餐廳的奶茶，於是母子展開了對話：

母：不如去到錦綉才吃早餐吧？

子：唔好。

母：我不喜歡那餐廳的奶茶！

子：呀！我有辦法！

母：有什麼辦法？

子：那，你一係揀飲定唔飲？一係揀忍一忍，去到錦綉再飲(哈！Giving Choice, 平時我給他選擇，這回他給我選擇)。

母：哦！都好！那早餐叫什麼飲品好呢？

子：叫熱華田吧！

母：好呀！

子：唔，就咁決定啦！他的回應似足我平時的口吻？！哈哈！

2) 去到錦綉，先玩了一輪的吹泡泡，之後當然要行上述的安排，就是飲奶茶去。跟著玩他喜歡的車車滑梯鞦韆，之後我倆到了大草地，仔仔玩著他的小車，很滿足似的又很認真的說：媽咪，我尋晚有困難，想你教下我！

我：哦，什麼困難？

仔：尋晚傑傑(鄰居孩子來我家玩後)想借我架車玩，我唔俾。

我：咁點呀？

仔：我即刻唔理佢。

我：咁，傑傑點呀？

仔：佢喺度喊咯！佢唔尊重我。

我：哦！你話咗唔借，佢係都要借，所以你覺得佢唔尊重你？

仔：我俾佢借第二架，但佢都要個架！

我：哦！唔怪得婆婆將架車放上櫃度啦！

仔：唔係婆婆，係楊太(傑媽)！

我：咁係咪囡囡覺得咁樣唔好，所以要問媽咪教番你？

仔：唔！

我：咁如果下次又係咁，點做呢？

仔：借比佢玩咯！

我：囡囡真大方啦！

難忘的是囡囡主動請教我，及跟我「傾心事」呢！

筆者：李麗平

9/1/10